



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. VIII. De Socotorae insulae statu.

urn:nbn:de:hbz:466:1-11108

CAPVT VII.

DE GVINEA, ET INSVLA
S. Thomæ.

GVinea Aethiopiæ Occidentalis regio, ab vrbe celeberrima *Genne*, ad *Zanagam* fl sita, sic dicta, quamquam Zona mediæ fermè subiecta flagrantissimo sole torretur, non tamen idcirco (vt falsò prisci putarunt) ab incolis deserta est, quin imò plurimos numerat populos, nigro omnes colore. Ex opposito Guineæ iacet insula & vrbs *S. Thomæ*, sub linea æquinoctiali, quæ Episcopum habet Olisiponensi in Lusitania Archiepiscopo suffraganeum. Guineam Lusitani suis armis subegerunt, & ad barbaros in officio continendos, multis eam arcibus instruxerunt.

CAPVT VIII.

DE SOCOTORAE INSVLAE
statu.

Socotora insula, ad Orientalem Africae oram, prope sinus Arabici, vulgò Rubri fauces, sita est; regio in primis estuans, & dactilorum ferax admodum, ex quibus incolæ

colæ panem conficiunt. Hi sese Christianos dicunt, & ad S. Thomam Apostolum, quem præcipua veneratione colunt, originẽ suam referunt. Ab eo maiores suos olim ea in insula baptizatos gloriantur. Cruces in altari- bus collocatas, & præpendentes lychnos ha- bent. Multas memoriter preces Chal- dæâ linguâ, vt apparet, corruptâ compositas recitare solent, vocem illam Alleluia, Alle- luia sæpius iterantes. Reliqui ipsorum ritus, partim Saracenorum (qui ea in insula ferè dominantur) partim Ethnicorum erroribus ac superstitionibus sunt inuoluti. In multis sequuntur opiniones Abassinorum, de qui- bus suprâ diximus.

Anno ferè 1482. Fartacus Rex Mahome- 1482.
tanus insulam totam subegit: sed à iugo eam Mahometano semel atque iterum Lusitani vindicarunt. Hodie Turcis subest, qui insu- lam occuparunt, eo ferè tempore, quo Ade- *Aden.*
num, nobile finis Arabici emporium inua- serunt.

In Socotoræis Christianis iuuandis plu- rimam olim operam posuerunt, Antonius Laurerus, monachus Franciscanus, & B.

Franciscus Xauerius, ex So- cietate Iesu.